

**საქართველოს პარლამენტის წევრების
ზვიად ძიძიგურის და ნინო გოგუაძის ვიზიტის**

ა ნ გ ა რ ი შ ი

ვაშინგტონი, აშშ

6 – 10 მაისი, 2018

მ/წ 6 – 10 მაისს საქართველოს პარლამენტის თავმჯდომარის მოადგილე - ზვიად ძიძიგური და საგარეო ურთიერთობათა კომიტეტის თავმჯდომარის პირველი მოადგილე - ნინო გოგუაძე, ოფიციალური ვიზიტით ვაშინგტონში, აშშ იმყოფებოდნენ.

საქართველოს საპარლამენტო დელეგაციის ვიზიტი განხორციელდა ამერიკის რესპუბლიკური ინსტიტუტის (IRI) მოწვევით. ვიზიტის მიზანი იყო საქართველოსა და ამერიკის შეერთებულ შტატებს შორის არსებული და სამომავლო ურთიერთობების სფეროების განხილვა, თანამშრომლობის ახალი ფორმატების შესახებ მსჯელობა, საქართველოში მიმდინარე პოლიტიკური და ეკონომიკური პროცესების შესახებ ინფორმაციის გაცვლა.

შეხვედრები შედგა ამერიკის სახელმწიფო დეპარტამენტის წარმომადგენლებთან, ამერიკის კონგრესის წევრებთან, ამერიკული არასამთავრობო და კვლევითი ორგანიზაციების წარმომადგენლებთან, კერძოდ:

ჯენ ბორო - ამერიკის სახელმწიფო დეპარტამენტის ევროპულ საქმეთა ბიუროს კავკასიის საქმეთა და რეგიონული კონფლიქტების დეპარტამენტის მოადგილე

პიტერ როსკამი, დევიდ ფრაისი, და სკოტ პერი - ამერიკის კონგრესის წევრები.

შეხვედრა შეეხებოდა ამერიკასა და საქართველოს შორის სტრატეგიულ თანამშრომლობას, საქართველოს როლს რეგიონში, საქართველოს ევროატლანტიკურ სივრცეში ინტეგრაციის საკითხებს, აშშ-საქართველოს თავისუფალი ვაჭრობის შეთანხმების შესაძლებლობებსა და პროცესებს, ასევე რუსული პროპაგანდიდან მომდინარე საფრთხეებს და ერთობლივი ძალისხმევის მნიშვნელობას ამ პროცესში. საკანონმდებლო ორგანოებს შორის ამ საკითხების ირგვლივ სამომავლო კომუნიკაციისა და თანამშრომლობის გაძლიერების პერსპექტივებს.

სტეფან ნიქსი - საერთაშორისო რესპუბლიკური ინსტიტუტის (IRI)-ის ევრაზიის რეგიონის დირექტორი

შეხვედრაზე განსაკუთრებულად აღინიშნა IRI-სა და საქართველოს კონსერვატიულ პარტიას შორის არსებული თანამშრომლობის მრავალწლიანი გამოცდილების შესახებ, ასევე ისაუბრეს სამომავლო თანამშრომლობის მეტი გაღრმავების და სფეროების შესახებ.

საუბარი შედგა საქართველოში მიმდინარე რეფორმების შესახებ, მათ შორის განხორციელებული საკონსტიტუციო რეფორმის და მისგან გამომდინარე მოლოდინების შესახებ, ახალი "სამშვიდობო ინიციატივის" და საერთაშორისო პარტნიორების მხარდაჭერის მნიშვნელობის შესახებ ამ პროცესში, ასევე რუსული პროპაგანდისგან მომდინარე საფრთხეების შესახებ.

ლუკ კლფი - „ჰერიტიჯ ფაუნდეიშენი“ (Heritage Foundation) -ის წამყვანი ექსპერტი

საუბარი შეეხო საქართველოსა და ამერიკას შორის არსებული ურთიერთობების დინამიკას, ქვეყნებს შორის ინსტიტუციური თანამშრომლობის გაღრმავების მნიშვნელობას; ამერიკის როლს და მნიშვნელობას საქართველოს უსაფრთხოებისა და თავდაცვისუნარიანობის გაძლიერების საკითხებში და NATO-ში ინტეგრაციის პროცესში.

მირიამ ლანსკო - NED-ის რუსეთისა და ევრაზიის განყოფილების დირექტორი

შეხვედრა შეეხებოდა ორგანიზაციის მიერ საქართველოში განხორციელებული და მიმდინარე პროექტების მნიშვნელობას. ასევე საკონსტიტუციო ცვლილებების სრულად ამოქმედებისას, პროპორციულ საარჩევნო სისტემაზე გადასვლის შემდგომ, პოლიტიკური პარტიების ინსტიტუციური გაძლიერების საკითხებს და ამ სფეროში ამერიკის მხარდაჭერის მნიშვნელობას.

რიჩარდ ვეითი, ბრუს ჯექსონი, კრეიგ კენედი - ჰადსონის ინსტიტუტის (Hudson Institute) წამყვან ექსპერტებთან

შეხვედრაზე საუბარი შეეხო საქართველოს და აშშ შორის სტრატეგიულ თანამშრომლობის საკითხებს, საქართველოს NATO-ში გაწევრიანების პროცესს და წევრობის მნიშვნელობას, როგორც საქართველოს, ასევე რეგიონის უსაფრთხოებისთვის. მხარეებმა ასევე ისაუბრეს საქართველოს და აშშ შორის თავისუფალი ვაჭრობის შეთანხმების შესაძლებლობების შესახებ.

ვიზიტის ფარგლებში, ნინო გოგუაძემ მონაწილეობა მიიღო ეროვნულ დემოკრატიული ინსტიტუტის (NDI) ორგანიზებულ კონფერენციაში თემაზე - „Not The Cost for Women in Politics“ და მადლენ ოლბრაითის მასპინძლობით გამართულ ღონისძიებაში. სიტყვით გამოსვლისას, ნინო გოგუაძემ ისაუბრა საქართველოში ქალთა პოლიტიკური მონაწილეობის საკითხებზე, ამ მიმართულებით, ხელისუფლების მიერ გატარებულ და მიმდინარე რეფორმებზე, ასევე თუ როგორ გავლენას ახდენს რუსული პროპაგანდა პოლიტიკაში ქალთა მონაწილეობის პროცესებზე. კონფერენციას ესწრებოდნენ ამერიკელი პოლიტიკოსები, პარლამენტის და სხვა საჯარო ხელისუფლების წარმომადგენლები 10-ზე მეტი ქვეყნიდან, ასევე დიპლომატები, მედიის, არასამთავრობო და კვლევითი ორგანიზაციების წარმომადგენლები.